



非藏

滿洲名臣傳卷三十一

羅伊圖 一陳秉直 二常德壽 德成

黃國材 一侯國瑤 二王國棟

達福 一白濱 二都敏 荆山 石文焯

德明 一魏經國 二瑚圖 三格 沃申

覺羅伊圖 一圖列傳

覺羅伊圖 滿洲 一紅旂 大

興祖直皇帝 第二子 德世庫 之曾孫也 順治

元年 增設內三院 學士各一員 授伊圖 秘書

滿洲名臣傳卷三十一

院學士二年充明史副總裁三年因繙譯明
洪武寶訓告成賞馬匹銀兩四年授雲騎尉
賜宴太和殿三遇

恩詔加至三等輕車都尉九年正月纂修
太宗文皇帝寔錄伊圖充副總裁三月充
殿試讀卷官尋授宗人府啟心郎仍帶二品
銜十一年署刑部尚書十四年擢兵部尚書
十六年六月海寇鄭成功陷鎮江給事中楊
雍建劾奏樞臣不能盡心經畫決策幾先又

不返躬引咎收效事後請

旨嚴飭

詔兵部明白回奏伊圖以籌畫無能引罪部
議降三級罰鍰

詔貫之十七年二月自陳乞罷

上不許五月調吏部尚書十一月

命偕禮部尚書沃赫等校定律令先是

詔求直言左都御史魏裔介御史季振宜並

劾大學士劉正宗徇私納賄諸款

清史名臣傳卷三十一
上以裔介等明知正宗過端不先舉發並革職御史陸光旭請並治言官不舉罪章下吏部十二月伊圖議應如光旭請言官分別議處尙書孫廷銓以正宗本係言官糾叅其各言官無人人具奏之例應免議兩議上得旨如伊圖議並飭會議不許滿漢互異十八年授宏文院大學士康熙六年正月解大學士任命以原官掌管王府事十六年六月卒

賜祭葬如例諡文僖子伊納布早卒以弟伊爾圖之孫悟爾祐爲後襲職悟爾祐子安壽銷除輕車都尉襲雲騎尉雍正六年以隱匿入官財物革職流徙寧古塔

陳秉直列傳

陳秉直滿洲廂黃旗人姓棟佳氏順治六年由貢生授山東平陰縣知縣七年土賊周魁軒犯境陳秉直擊斬其眾獲馬騾三百餘賊不敢犯十年遷山東膠萊通判十二年山東

巡撫耿焯奉

詔保舉知府陳秉直以荐授福建泉州府知府十六年遷山東鹽運使明年遷山西河東道康熙三年擢河南按察使定例按察使承問案件舛錯二十次以上者革職二十次以下者降罰有差六年陳秉直承問四十六案內舛錯九案例止罰俸刑部遺漏總數咨吏部議處奉旨按察使係承理一省刑名今這九案卽舛

錯九次殊屬溺職陳秉直着革職嗣陳秉直訴於刑部部臣以遺漏總數檢舉得

旨復職八年補陝西按察使九年調江南按察使十二年遷浙江布政使十三年六月大軍勦逆藩耿精忠戶部侍郎達都赴浙督餉會巡撫田逢吉以疾解任授達都爲巡撫達都疏荐陳秉直年壯才優民心悅服堪任巡撫部議不准

特旨允陳秉直陞浙江巡撫達都仍以原銜

督餉時方停杭州織造併入江蘇二局十二
月疏言絲利產自浙江奏銷絲價較江蘇減
省若停止織造不特機張朽廢可惜且工匠
失業將來復設所費尤多請仍留杭州織造
衙門將裁減緞八千餘疋於江蘇杭三處均
減戶部議不准

諭會同工部內務府再議從之十四年二月
疏言楚浙等省軍興需餉浩繁而地經蹂躪
額賦難征當此籌餉之際在外除武臣及佐
雜微員照常支俸外其督撫司道府廳州縣
等官常俸全捐充餉俟事平支給軍需不無
少濟下部議行時精忠逆黨據餘姚大嵐山
閏五月遣都司王得福等勦之於斬賊渠魯
朝全等十餘人偽總督褚楚白等復遣投誠
偽總兵韓六合勦賊首何應龍邵天衢等斬
獲甚眾先後招撫偽官汪飛龍陳渭等一百
五十餘人兵五千餘得

旨嘉獎十七年以裁省各項錢糧十萬七千

有餘議敘加兵部右侍郎留巡撫任十八年
三月自陳議以浮躁應降三級調用奉
旨陳秉直着降三級仍留原任七月疏言杭
屬田少山多恃以養庄辦課者惟桑麻竹木
今駐防旂廝皆有額設錢糧草料乃以打柴
爲名四出戕伐致小民俯仰無資臣每加嚴
禁但以罪止鞭責無所畏忌請
勅部禁止犯者嚴加治罪議從之八月以吏
科給事中李宗孔劾陳秉直察吏無能賢否

混淆解任二十五年十二月卒

常德壽列傳

常德壽滿洲廂紅旂人姓瓜爾佳氏康熙五
十三年由刑部筆帖式遷堂主事五十九年
遷戶部員外郎雍正元年授直隸巡道二年
遷江西布政使抵任嚴查倉糧虛報數目及
地丁銀那新掩舊之弊有虧缺者勒補三年
調雲南布政使四年疏言雲南距京八千餘
里教職缺出咨部銓補必須半年外文憑到

省又須轉行地方官具文送撫臣考驗倘有
荒疎老邁者勢必繳憑另選經年懸缺仰懇
皇上勅諭吏部將滇省應選教職人員按次
截取二十員發滇令撫臣預先考定等第註
冊送部缺出卽將考定之員依次委署咨請
實授前項將屆補完續請截發如此則缺不
久懸得

旨此奏甚是下部議行五月擢戶部左侍郎
六年蘇州水利營田効力官梁文中毀齒歿

民瘼更成法

特遣常德壽往查治文中罪如律七年

上以西路軍需緊要寧遠大將軍岳鍾琪領
兵出口署川陝總督查郎阿陝西巡撫武格
新任未諳

命兵部尙書查弼納總理稽查常德壽同常
賚協理之各給印信乘傳前往八年六月

諭大學士曰查弼納常德壽等此次查辦軍
需甚屬可嘉着交部從優議叙尋議加二級

七月遵

旨往甘州涼州辦理大軍駐劄一年口糧行至平番縣之紅城堡卒予祭葬如例

德成列傳

德成滿洲廂紅旗人姓兆佳氏康熙四十三年由筆帖式授禮部主事五十六年兼副叅領五十七年遷工部員外郎雍正元年兼佐領尋遷本部郎中三年二月遷叅領八月擢

廂紅旗滿洲副都統七年四月遷正藍旗護軍統領七月疏言旗人入學後許考試筆帖式取中先以無品級筆帖式用陞任後方與有品級筆帖式較俸推陞竊思文生員係正途與舉人僅隔一階舉人授職七品請嗣後文生員考補筆帖式者降一等與監生一体授入品筆帖式下部議行八月遷正紅旗滿洲都統兼管火器營事九月疏言臣奉旨監試入旗鄉試生監騎射八旗咨送有名

冊遺漏臨時方咨者有已行文而禮部遺漏
補送者且名姓重誤甚多事關

大典考試既有定期咨送當有定限請嗣後
禮部于考期四個月前行知入旂該旂將姓
名年貌造冊于兩月前送部禮部卽會同兵
部將旂分姓名年貌對清如該旂逾限禮部
題咨部中舛漏監試大臣題咨又言包衣佐
領下庄頭子弟居住屯鄉臨考所派包衣佐
領不能遍識難免頂替請嗣後每旂派叅領

一員每叅領下派叅軍章京一員本佐領派
領催等帶送應考人向叅領等識認公同送
考騎射并送入場倘推諉不到禮部題叅又
言例載十五歲以下應考童子亦令考試騎
射但年未及壯力不勝馬者甚多請停馬箭
祇令考試步箭俱議如所請九年正月奉
命往西寧辦理青海事務及噶斯軍需十年
正月卒于西寧

賜祭塋加例諡勤儉

黃國材列傳

黃國材漢軍正白旗人祖廷栢由生員授江南靈璧縣知縣調順天大興縣遷山西汾州府知府順治六年大同總兵姜瓖叛攻汾州城陷廷栢死之贈太僕寺卿國材於康熙十八年由監生考補內閣中書二十二年遷都察院都事三十六年遷湖廣漢陽府知府四十年授廣東雷瓊道莅任三年總督郭世隆巡撫彭鵬以卓異荐格於部議

待命引

見擢廣東按察使四十八年遷廣東布政使五十六年以粵西山多田少需米湖南而衡湘米船由永州奸民藉禁難阻索致商販不前米價多昂請於上官禁止總督楊琳巡撫陳元龍疏奏准行尋擢貴州巡撫鎮遠至常德灘河多溺患雲貴湖南三省官修繕道國材率先捐助并捐修城垣及演武廳捐衣四千襲給撫標兵指穀萬石分貯安籠威寧大

定三鎮駐劄地方置旂幟弓矢分給各營五
十八年雲貴總督蔣陳錫疏叅國材有辦事
才但每事任性處死苗子阿容及王阿么等
十六名以龍里縣民薛有凌貴定縣民辜瑤
平越營民徐跳等親生女嫁與楚人者指爲
掠販處以重刑將薛氏等賞兵其進京
陛見各府屬指俸工借藩庫銀二萬五千二
百兩餽送國材疏入時國材在京
命九卿傳訊國材供與原叅互異九卿請

旨派員令國材赴黔面質

上遣刑部郎中齊克垣戶部主事謝檜齡往
審國材寔收受屬員餽送銀一萬四千兩雖
供充公用究屬不合應降三級調用餘案俱
虛免議得

旨黃國材着解任尋奉

命解餉西寧二次六十年十月授鴻臚寺
卿協理子牙河務逾月擢福建巡撫雍正元
年四月疏稱

聖朝定例自順治八年奉有熱審減等之例
遵行甚久康熙四十三年停止熱審蓋恐罪
人希冀減等挨延時日不無夤緣賄縱之弊
但近年來夏月必
特沛恩綸暫釋刑具臣見閩廣下濕監犯之
苦更甚伏思

皇上慎重民命直省讞案必

親加詳察多予矜全臣以爲似宜復熱審舊
例准減等如慮延挨俾免嚴飭各官按限

供職二年九月疏言福建鄉試額中八十五
名今人文日盛請照浙江湖廣解額中九十
九名

上命增四名尋以

頒賜御筆詩扇具疏謝

恩

諭曰汝之才情朕所深悉但於廉隅二字當
加砥礪撫闈以來聲名原居滿保之右近日
滿保聲名頓然改觀汝少不逮矣及其老也

戒之在得宜於此語時繹之以自警焉十一月疏報台灣鳳山縣南路山前生番歷歷等五社北路山後生番八里岡等六十五社諸羅縣北路山前生番本祿等四社男婦五千七百九十九名口歸化三年二月疏報台灣漳化縣內山巴萊遠麻着師子頭等社生番男婦八百五十一名口歸化諭曰生番野性難馴全在地方文武官弁安敢得法封疆大吏當嚴飭屬員施恩布教令

其心悅誠服永無變更方不愧柔遠之道是時廣西巡撫李紱上墾荒六款請將廣西積穀酌借貧民爲牛種農器資得

旨李紱條陳墾荒請動支監穀爲開墾之費不過爲開銷廣西昔年捐納穀石之計此項原係陳元龍王沛懽經手其間有名無寔首尾不清之處甚多可着陳元龍王沛懽前往廣西將此項徹底清楚倘有不清着李紱查明據寔參奏三月李紱奏通政使臣王沛懽

到粵咨稱康熙五十三年前任廣西巡撫今
陞禮部尚書陳元龍奏明廣西捐納穀石至
五十五年停止沛澶於五十七年七月到廣
西布政使任距停捐將及三年其收捐穀石
係陳元龍與前任布政使黃國材任內之事
當日總管官係桂林知府吳元臣柳州知府
趙世勳南寧知府沈元佐梧州知府李世孝
桂林府同知黃之孝通判慕國典六人每穀
一石折收銀一兩一二錢不等解交藩司通

計捐穀百七十萬八千餘石應收銀百三十
萬餘兩其發價買穀約計銀四十餘萬國材
交四府知府給屬採買餘銀幾及百萬並無
着落請將從前經手之督撫司道等官質訊
得

旨闕李紱疏奏當日收捐穀價數倍於正項
着黃國材將收捐始末情弊奏聞如敢欺隱
必從重治罪國材疏稱廣西捐納一事撫臣
陳元龍與督臣趙宏燦委桂林府知府吳元

臣等在省城收捐委梧州柳州南寧三府知府李世孝趙元勳沈元佐等在府收捐因捐納人買穀需時議定每穀一石折銀一兩一錢每石各府自存六錢以爲買谷蓋倉等項使用內有羨餘係管捐府廳各官分得其餘銀五錢內部費一錢督撫及布政使各一錢按察使及本道各四分院司衙門書辦紙筆造冊人工飯食等費各一分至部費一錢內臣動用三分湊修桂林平樂梧州三府灘河

及緡路營房等項業經奏明其餘七分交撫臣作部科之費通計督撫司道共得羨餘銀四十四萬七千七百三十五兩其四府所得羨餘臣未經手未知其詳尋國材解任抵廣西與各員對質督撫藩司每石作銀一錢屬寔國材扣留部科費內銀兩並藩司書辦人等飯食紙筆銀兩應令賠補共銀二十四萬九百八十兩有奇餘人各按數追賠分限五年完納四年八月

命以巡撫職銜署正藍旗漢軍都統事十月
協理兵部侍郎未幾授正黃旗漢軍都統五
年閏三月署兵部尙書五月署刑部尙書七
月授工部尙書七年四月湖廣總督邁柱疏
叅國材之子湖北布政使黃焜令家人開當
逐利買房賃租國材有廣西捐納案內應賠
銀未完雍正四年又用銀六百兩買屋一區
恣行欺罔並不交產完帑得
旨令國材回奏國材疏稱臣自奉文追銀已

交銀十五萬九千兩又有商人領去紬緞皮
貨變價銀三萬兩在本年完交其餘房屋一
時難售奏入以國材巧辯欺詐草任九年十
一月卒

佟國瑤列傳

佟國瑤漢軍正藍旗人二等子佟養性之孫
也養性卒子晉漢六十遜襲六十于順治初
年三遇

恩詔晉三等伯授副都統子國瑤順治十七

年襲伯爵康熙九年擢正藍旗漢軍副都統
十二年十二月逆藩吳三桂反

上以湖南鄖陽地界三省山谷阨塞奸民易
嘯聚且恐賊乘間侵犯

特授國瑤爲鄖陽提督往駐防十三年三月
襄陽總兵楊來嘉通吳逆據穀城叛鄖陽副
將洪福應之劫所部兵千餘反攻國瑤署國
瑤率遊擊杜英佟大年以健丁三百名奮勇
衝擊賊退復來連日格開十餘陣斬首二百

餘級賊遁走疏

聞得

旨嘉獎下部優叙加左都督十四年四月洪
福及叛將等分五路犯鄖陽西復大敗之追
勦至泥河口板橋河陣斬僞將軍林躍等七
人殺賊兵數百十五年三月四川叛鎮譚洪
犯鄖江北岸洪福等出掠鄖江南相聲援國
瑤分兵勦禦敗賊于坪溝黃畝九里岡又渡
江擊賊于南岸連敗之焚其舟械拾斬無算

九月洪福遣眾伏鄖江兩岸以三十餘舟順
流下泊琵琶灘進逼鄖陽運道塞國璫與將
軍噶爾漢撫治楊茂勳等率水陸兵大破之
于沿江及陡嶺糧運始通叙功加一等十六
年七月以捐賞兵丁難民功加太子少保十
七年二月進勦楊來嘉洪福諸逆于房縣於
偽副將以下五十二人獲偽印十二劄牌二
十四房縣保康相繼復十八年五月偕噶爾
漢等勦賊于興安以日久未下部議盡削前

功

詔止削陡嶺所叙一等功二十一年六月授

福建將軍

諭曰國家設立督撫提鎮原以為民孟喬芳
總督陝西李率泰總督福建能潔已奉公愛
民恤士秦閩人至今思之爾到地方宜恪遵
國憲安輯民兵無忘恭敬二十二年四月疏
言京口將軍所統每旂協領叅領防禦驍騎
校共十七員今福建駐防每旂止四五員邊

海軍地軍務不可乏員料理請增協領以下
驍騎校以上等官下部議駐防四旗應各設
協領一員叅領一員防禦五員驍騎校五員
二十八年八月卒于任

賜祭葬如例諡忠愍其伯爵以子海福襲

佟國正列傳

佟國正漢軍廂黃旗人姓佟佳氏順治七年
由拔貢生授江南無爲州知州十二年遷直
隸大名府知府十六年遷廣東南韶道十七

年調陝西延綏靖邊道十八年牒陳四事一
靖邊道轄七堡二所屯糧向由各堡所將弁
征解道臣督催今奉

旨兵馬全歸提鎮錢糧專任撫臣請將屯糧
改歸西路管糧同知征解一營堡兵缺祇應
募充不得勾攝屯民有妨農業一欠糧刁民
往往投充營伍向來將弁猶屬撫道甄別今
文武不相統攝難保無匿庇情弊請嗣後許
移文將領追究若該管徇庇立即揭叅一靖

邊道向設以稽核兵馬整飭邊防今官兵既歸提鎮管攝錢糧請改同知征解道臣已屬冗員乞裁汰巡撫張中第據牒以

聞下部議從之康熙二年改補江南淮海道三年遷安徽按察使十三年遷江西布政使時逆藩吳三桂耿精忠相繼叛賊兵分犯江西會巡撫白色純卒大將軍安親王岳樂奏國正甚得民心

特擢江西巡撫十五年正月大將軍簡親王

喇布以贛州爲江西門戶投誠將士雜處彈壓需人奏

詔國正赴贛州駐守十一月廣東從逆提督嚴自明總兵張星耀等糾眾徧南康國正遣副將許盛等勦賊于庫鎮鋪破其營十七追七十餘里斬獲甚眾賊遁走南安逆党黃士標王割耳等擁眾犯信豐國正遣守備楊以松協同副將周球等分三路擊之斬首二千餘賊潰亂竄雄十二月遣副將許盛等勦

上猶縣賊復其城尋遣周球等擊敗偽將郭應輔于黃土岡斬賊五千餘復龍泉縣龍泉向設守備一員國正以地介邊鄙密邇湖南桂東守備不足彈壓請改遊擊駐防從之是年隨征官馬贊等招降偽副將羅復彪都司張元仁總兵劉永琪等國正聞大兵克復汀州恐海逆竄入贛州密飭營汛嚴守並分遣叅將劉体君及周球等由間道相機恢勦十六年正月大破賊於五里排復會昌縣偽總

兵楊夢月等降尋復瑞金縣先後招撫偽總兵賴鼎球等百五十二人兵萬六千餘名五月復崇義縣招降偽總兵賴榮等十七人兵萬餘逆賊韓大任等白寧都敗竄萬安國正慮逸入楚境密調兵赴良口大王廟黃塘等處截賊歸路別遣將繞出興國縣田村大江口斷賊糧道賊窘甚竄突復遣遊擊楊以松等四路追勦十二月擊賊于鷓鴣寨十七年正月追至老虎洞大敗之大任窮蹙走汀州

諸康親王傑書軍門降江西平國正回省城
八月叙功加兵部右侍郎銜十月加兵部尙
書銜授正一品階十八年正月左副都御史
楊雍建以江右爲衝煩要地國正莅任數載
治績無聞流移未能盡復田野未能盡闢分
牧之有司未盡奉法請
勅令國正
陛見詢以地方利弊民生休戚國正之庸碌
無能難逃

唐鑒奏八

詔國正明白回奏時舉行京察國正遵例自
陳
上以國正才力不及降二級調用國正覆疏
入部議國正已降調毋庸議四十七年正月
卒于家

王國棟列傳

王國棟漢軍廂紅旗人康熙五十二年進士
改庶吉士五十四年授檢討五十七年充會

試同考官逾年遷國子監司業六十年授侍
講尋轉侍讀雍正元年三月充陝西鄉試正
考官四月復設
日講起居注官以國棟充補六月遷侍讀學
士十一月充廣東鄉試正考官二年六月授
右通政八月充會試同考官十月
命爲河南學政四年五月遷光祿寺卿十月
特旨授浙江觀風整俗使國棟抵任以浙江
風俗澆漓諸務廢弛仰遵

聖訓時以尊親大義宣諭紳士懇頑抗以清
積欠究包訟以警奸徒革虛冒以飭營伍嚴
保甲以弭盜源巡歷所至據寔以
聞

溫諭獎之是年遷宗人府府丞五年二月
上以浙江被水米價騰貴

命國棟同巡撫李衛動帑銀四萬兩于杭州
嘉興湖州三府修城濬河築堤俾民備工食
力國棟奏杭州至海寧河淤應濬太湖隄閘

及嘉興石塘多坍應修理但冬春雨雪多興
丁未免過費請俟九十月間水落再行修築
疏濬

上是其言五月擢湖南巡撫

諭曰本欲令爾在浙整飭數年以期成效但
湖南廢弛日久急需治理今命爾巡撫其地
勉之八月疏言督撫大吏去任者固不可沽
譽市恩新莅者尤當加意整飭風聲所播庶
可令行禁止若意示寬大則吏治必弛民情

必慢事難整理

諭嘉國棟得治理寬嚴之要惟期寔力行之
時

上命湖廣總督邁柱會修兩省隄工國棟疏
言長沙岳州常德三郡逼近洞庭如湘陰巴
陵華容安鄉澧州武陵龍陽沅江益陽九州
縣環繞大湖隄埝甚多居民恒于秋冬水涸
時築隄堵水而耕但地勢卑下每江漲水不
能洩反灌入湖以致隄岸衝決田禾淹沒民

難安堵現有潰口四百餘處已飭水利各官
刻期完築此外險工次第興修更嚴禁包折
等弊務期加高培厚工程堅固七年六月疏
言岳州府屬遼澗中隔洞庭石門慈利俱係
苗疆九谿永定軍屯雜處文移每至稽遲有
鞭長不及之慮請改所屬澧州爲直隸州轄
石門慈利安鄉三縣改九谿永定二衛爲一
縣設知縣教諭訓導巡檢各一員初食都御
史申大成奏黔省屯田百姓賤價頂種易啓

紛爭請仿民田一體買賣每畝納稅五錢官
給執照爲業並推行各省七月國棟疏言湖
南屯田瘠薄不比黔省膏腴均與民田一例
買賣無賤價頂種之弊其科則輸賦較民田
更重若照黔例畝稅五錢是合屯糧十餘年
常賦之數斷非民力能勝應按各屬屯糧全
書分別差等其微價頂種未立賣券粮仍軍
戶者令頂種人完稅五錢給照爲業如時價
平買並非頂種粮未過割者照屯粮一石稅

五錢給照過割其已過割者稅二錢至龍陽
武陵長靖諸屯田土賦重應令舊主按券價
每兩稅三分諸疏並下部議行先是湖南靖
州逆犯曾靜遣其徒張熙投逆書于川陝總
督岳鍾琪鍾琪以

聞

上命刑部侍郎杭奕祿副都統海蘭至湖南
偕國棟拘訊國棟據曾靜妄供並未究出党
羽又阿其那塞思黑門下太監以罪徙廣西

流言于路直隸河南督撫並查奏國棟稱湖
南接解兵役未聞一語又茶陵州党犯陳蒂
西傳播流言

勅國棟提問亦不得寔證九月降

旨切責十月革職回京入年正月

命辦理刑部右侍郎事十月充武會試副考
官十一月署山東巡撫國棟前任河南學政
時荐教職申程章才品俱優

特旨申程章以知州銜授浙江寧安知縣後

遷江蘇淮安知府以詐典商楊紀塩商程星所賍爲巡撫尹繼善所糾部議國棟濫舉應革任得

旨寬宥九年二月河南祥符封邱等縣水災詔國棟往查賑七月署江蘇巡撫尋署浙江巡撫十年仍回刑部侍郎任十一年偕尙書彭維新等稽察京通各倉十二年以與尙書福敏等議福建民藍厚正毆斃胞兄事失當勅責其糊塗姑息下部嚴查部議降三級調

用以國棟係革職留任之員無級可降應革任得

旨派充苦差十三年十月

命署刑部右侍郎十二月卒

達福列傳

達福滿洲廂黃旗人姓瓜爾佳氏一等超武公鰲拜之孫父納穆福襲二等公後鰲拜獲罪爵除康熙五十二年

聖祖仁皇帝追念鰲拜功賜一等男以其從

孫蘇赫襲蘇赫卒以達福襲雍正三年兼管
佐領四年補護軍叅領五年九月補護軍統
領印務章京十一月授正藍旗滿洲副都統
諭曰朕數十年來惟聞鰲拜僭妄無禮擅權
作威之罪未深知伊功勳併子孫現在者何
人昨引見達福方知又叅閱

寔錄鰲拜有超眾功是以

聖祖特恩賞給一等男世職

皇考既恩免鰲拜之罪應賜還一等公爵卽

令達福承襲世職罔替仍授爲散秩大臣十
二月授左翼前鋒統領六年授議政大臣七
年三月大軍征準噶爾

命達福爲叅贊大臣十二月準噶爾擾喀爾
喀游牧靖邊大將軍傅爾丹令前鋒統領定
壽以兵護阿濟必濟卡倫令達福率兵二千
駐庫卜克爾爲應援九年六月傅爾丹探知
準噶爾賊人在察罕哈達游牧乘其不備襲
之分兵三隊以達福偕定壽領第一隊夜擊

賊累日賊據山扼險遂移營和通呼爾哈諾
晝夜力戰殺賊千餘賊益兵逼營我步軍方
拔營以退達福殿後賊三萬環攻之力戰殺
賊千餘殲于陣

賜祭葬如例

賜騎都尉世職子岱屯襲一等公長孫德成
襲騎都尉德成卒弟德生襲尋因岱屯卒德
生襲公爵其騎都尉以弟德明襲乾隆四十
五年十二月奉

旨德生所襲公爵俟出缺時停襲仍予一等
男世襲罔替詳見鰲拜傳

白潢列傳

白潢漢軍廂白旂人由筆帖式授內閣中書
遷侍讀康熙三十九年授福建糧廂道四十
二年丁父憂四十五年補山東登萊青僉事
道四十九年遷貴州分守貴東叅議道五十
三年遷貴州按察使五十五年擢湖南布政
使未赴

命護理貴州巡撫五十六年六月改江西布政使七月擢江西巡撫五十七年疏言江西湖口縣閘地形甚險兩山挿江夾峙商船候驗停泊虹橋港逼近山脚夏秋僅容小船一二百冬春水涸來往報稅必由梅花洲嘴紆行十餘里遇水漲則江湖二流橫激港口微風卽蹈不測惟閘右里許山勢開濶有武昌港可容千艘但冬春亦涸請自江岸至港口大爲挑濬於港口建昌垣二以阻游沙外加

排椿以固垣根可利停泊商民俱便部議如所請行五十八年疏言江西科第之盛遠勝浙楚康熙三十五年奉

旨增額江西七十五名浙江七十一名湖廣七十名是向來中額多于浙楚四十一年浙江湖廣二省以督臣郭墉撫臣趙申喬請照江南中額增至八十三名江西未經題請不增至五十年

特旨增直省中額浙楚又各增十六名江西

南州之五傳

僅增十五名近科入場士子多至一萬二千餘人而中額不得比于浙楚通省合詞請願

廣額懇

願將江西鄉試中額照浙楚一例取中疏下
部議從之五十九年七月疏言州縣因公那
用虛空錢糧請照霉爛倉穀例者不論在任
解任及分賠之知府能于限內全完准其開
復如所請行尋因病乞補京職授戶部右侍
郎十月擢兵部尚書六十年

天
閣
三
功

